

## Balwierer sin

Balwierer mecht ich aa net sin,  
Wann ich schun ke Lehrer bin;  
Jedes Gfries mit Seef inschmiere,  
Un iwrem Leffl no balwiere.

Ob Reen, ob Schnee, ob scheeni Zeit,  
Wohnt die Kundschaft noch so weit.  
Laafe muss mr wie e Haas,  
Zeit hat mr niemol for e Schaas.

Ungeduldich sin die Kunde,  
Aus jedm Hoff belle die Hunde;  
Mr wees net, wen soll mr zuerscht  
Balwiere, kramble mit dr Berscht.

Wann mr oweds no hem kummt,  
Fangst Weib an, streit un brummt:  
Wu laafscht dann rum de ganze Taach?!  
Des is dr Dank for Mih un Plaach.

*Karl Braun*